

**ԵՐԵՎԱՆԻ ԱՎԱԳԱՆՈՒ ԲԱՐԳԱՎԱՃ ՀԱՅԱՍՏԱՆ
ԽՄԲԱԿՑՈՒԹՅԱՆ ԱՆԴԱՄ ՊԱՐՈՆ Ա. ՆԵՐՍԻՍՅԱՆԻՆ**

Հարգելի պարոն Ներսիսյան.

Ի պատասխան Ձեր **29.01.2019**թ. **հ.01/39Մ** գրության՝ տեղեկացվում է.

Հայաստանի Հանրապետության կառավարության **25.10.2000**թ. **հ.682** որոշման համաձայն՝ Ջուղայի փողոցի **հ.5** շենքը հանդիսացել է քանդման ենթակա **4-րդ** կարգի վթարային և տվյալ շենքի բնակիչները **2007** թվականին վերաբնակեցվել են, սակայն շենքը չի ապամոնտաժվել: Միաժամանակ տեղեկացվում է, որ Երևան քաղաքում առկա **4-րդ** կարգի վթարային բազմաբնակարան շենքերի վերաբնակեցման աշխատանքներն իրականացվում են վերոհիշյալ որոշման, ՀՀ կառավարության **25.10.2009**թ. **հ.172-Ն** որոշման, ինչպես նաև ամենամյա համայնքային գույքի օգտագործման տրամադրման և օտարման տարեկան ծրագրով սահմանված դրույթներին համապատասխան: ՀՀ կառավարության **25.10.2000**թ. **հ.682** որոշման **7-րդ** կետով նախատեսվել է ՀՀ տարածքային կառավարման նախարարության միզբացիոն գործակալության պետին, ՀՀ կառավարությանն առընթեր անշարժ գույքի կադաստրի պետական կոմիտեի նախագահին, ՀՀ ոստիկանության պետին և Երևանի քաղաքապետին (առաջարկությամբ) քանդման ենթակա բնակելի տների բնակեցումից ազատված բնակարաններում չիրականացնել քաղաքացիների կրկնակի բնակեցում, հաշվառում և գույքային գործարքների պետական գրանցում: Տեղեկացվում է, որ ՀՀ օրենսդրությամբ կրկնակի վերաբնակեցում նախատեսված չէ և քննարկվող շենքի փաստացի բնակիչները բազմիցս ծանուցվել են՝ անկանխատեսելի հետևանքներից խուսափելու համար իրենց կողմից ինքնակամ զբաղեցրած բնակարաններն անհապաղ ազատելու մասին:

ԵՐԵՎԱՆԻ ՔԱՂԱՔԱՊԵՏԱՐԱՆ